



21



隋書



志第十六

隋書二十一

太尉揚州都督監修國史上柱國趙國公臣長孫无忌等奉
勅撰

天文下

十輝

周禮眡祲氏掌十輝之法以觀妖祥辨吉凶一曰侵二曰陰
陽五色之氣侵淫相侵或曰抱珥背璫之屬如虹而短是
也二曰象謂雲如氣成形象雲如赤鳥交日以飛之類是
也三曰鑄日旁氣刺日形如童子所佩之鑄也四曰監謂
雲氣臨在日上也五曰闡謂日月蝕或日光暗也六曰膏

謂曹曹不光明也七曰彌謂白虹彌天而貫日也八曰序
謂氣若山而在有上或曰冠珥背璫重疊次序在于日旁
也九曰際謂暈氣也或曰虹也詩所謂朝隰于西者也十
曰想謂氣五色有形想也青飢赤兵白喪黑憂黃熟或曰
想思也赤氣爲人獸之形可思而知其吉凶自周已降術
士問出今採其著者而言之

日君乘土而王其政太平則白五色又曰或黑或青或黃
師破又曰遊氣蔽天日月失色皆是風雨之候也若天氣
清靜無諸遊氣日月不明乃爲失色或天氣下降地氣未
升厚則日晷薄則日赤若於夜則月白皆將雨也或天氣

未降地氣上升厚則日黃薄則日白若於夜則月赤將旱
且風亦爲日月暈之候雨少而多陰或天氣已降地氣又
升上下未交則日青若於夜則月綠色將寒候也或天地氣
雖交而未密則日黑若於夜則月青將雨不雨變爲雲霧
暈青虹蜺又曰次陰日月俱無光晝不見日夜不見星皆
有雲郭之兩敵相當陰相圍議也日暎暎光士卒內亂日
薄赤見日中烏將軍出旌旗舉此不祥必有敗亡又曰數
日俱出若闔天下兵大戰日闔下有拔城日戴者形如直
狀其上微起在日上爲戴戴者德也國有喜也一云立日
上爲戴青赤氣抱在日上小者爲冠國有喜事青赤氣小

有瑤兩珥順抱擊者勝破軍軍中不和不相信日旁有氣
圓而周巾內赤而外青名爲暈日暈者軍營之象周環市
日無厚薄敵與軍勢齊等若無軍在外天子失御民多叛
日暈有玉色有喜不得玉色有憂

凡占兩軍相當必謹審日月暈氣知其所起留止遠近應
與不應疾遲大小厚薄長短抱背爲多少有無實虛久亟
密疎澤枯相應等者勢等近勝遠疾勝遲大勝小厚勝薄
長勝短抱勝背多勝少有勝無實勝虛久勝亟密勝疎澤
勝枯重背大破重抱爲和親抱多親者益多背爲不和分
離相去背於內者離於內背於外者離於外也

凡占分離相去赤內青外以和相去青內赤外以惡相去
日暈明久內赤外青外人勝內青外赤內人勝日暈黃外青
黑內人勝外黃內青黑外人勝外白內青外人勝內白外
青內人勝內黃外青外人勝內青外黃內人勝日暈周市
東北偏厚厚爲軍福在東北戰勝西南戰敗日暈黃白不
闔兵未解青黑和解分地色黃土功動人不安日色黑有
水陰國盛日暈七日無風雨兵大作不可起衆大敗不及
日蝕日暈而明天下有兵兵罷無兵兵起不戰日暈始起
前滅而後成者後成面勝日暈有兵在外者主人不勝日
暈內赤外青羣臣親外外赤內青羣臣親內其身身外其

心日有朝夕暈是謂失地主人必敗日暈而珥主有謀軍
在外外軍有悔日暈抱珥上將軍易日暈而珥如井幹者
國亡有大兵交日暈上西將軍易兩敵相當日暈兩珥平
等俱起而色同軍勢等色厚潤澤者賀喜日暈有直珥為
破軍貫至日為殺將日暈負且戴國有喜戰從戴所擊者
勝得地日暈而珥背左右如大車輞者兵起其國亡城兵
滿野而城復歸日暈暈內有珥一抱所謂圍城者在內內
人則勝日暈有重抱後有背戰順抱者勝得地有軍日暈
有一抱抱為順貫暈內在日西西軍勝有軍日暈有一背
背為逆在日西東軍勝餘方放此日暈而背兵起其分失
城日暈有背背為逆有降叛者有及城在日東東有叛餘
方放此日暈背氣在暈內此為不和方離相去其色青外
赤內節臣受王命有所之日暈上下有兩背無兵兵起有
兵兵入日暈四背在暈內名曰不和內亂日暈而四背
如大車輞者四提設其國衆在外有及臣日暈四提必有
大將出亡者日暈有四背珥其背端及出暈者及從內起
日暈而兩珥在外有聚雲在內與外不出三日城圍出戰
日暈有背珥直而有虹貫之者順擊之大勝得地日暈
有白虹貫暈至日從虹所指戰勝破軍殺將日暈有虹貫
暈不至日戰從貫所擊之勝得小將日暈有一虹貫暈內

順虹擊者勝殺將日暈二白虹貫暈有戰安勝日重暈有
四五白虹氣從內出外以此圍城主入勝城不拔又日重
暈攻城圍邑不拔日暈二重其外清內濁不散暈會聚日
暈三重有拔城日交暈無厚薄交爭力勢均厚者勝日交
暈人主左右有爭者兵在外戰日在暈上軍罷交暈貫日
天有破軍死將日交暈而爭者先衰未勝即兩敵相向
交暈至日月順以戰勝殺將一法日在上者勝日有交者
赤青如暈狀或如合背或正直交者偏交也兩氣相交也
或相貫穿或相向或相背也交主內亂軍內不和日交暈
如陣環為兩軍兵起君爭也日暈軍人為三日方暈

而上下聚一背將敗人亡日暈若井垣若車輪一國皆兵
亡又曰有軍日暈天市半暈在東東軍勝在西西軍勝南
北亦如之日暈如車輪半軍在外者罷日半暈東向者西
夷羌胡來入國半暈西向者東夷人欲反入國半暈北向
者南夷人欲反入國半暈南向者北夷人欲反入國又曰
軍在外月暈師其將戰必勝月暈黃色將軍益秩祿得
位月暈有兩珥白虹貫之天下大戰月暈而珥兵從珥攻
擊者利月暈有蜺雲乘之以戰從蜺所往者大勝月暈虹
蜺直指暈至月者破軍殺將

雜氣

四日十八

天子氣內赤外黃正四方所發之應當有王者若天子欲
有遊往颶其地亦先發此氣或如城門隱隱在氣霧中恒
帶殺氣森然或如華蓋在氣霧中或有五色多在晨昏
見或如千石倉在霧中恒帶殺氣或如高樓在霧氣中或
如山鎮倉帝起青雲扶日赤帝起赤雲扶日黃帝起黃雲
扶日白帝起白雲扶日黑帝起黑雲扶日或日氣象青黑
人無手在日西天子之氣也敵上氣如龍馬或雜色雜雲
衝天者此帝王之氣不可擊若在吾軍戰必大勝凡天子
之氣皆多上達於天以王相日見

凡猛將之氣如龍兩軍相當若氣發共上則其將猛銳或
如虎在殺氣中猛將欲行動亦先發此氣若無行動亦有
暴兵起或如火煙之狀或白如粉沸或如火光之狀夜照
人或白而赤氣繞之或如山林竹木或紫黑如閉上樓或
上黑下赤狀似黑旗或如張弩或如埃塵頭銳而卑本大
而高兩軍相當敵軍上氣如困倉止白見日逾明或青白
如膏將勇大戰氣發漸漸如雲亦亦此形將有深謀
凡氣上與天連軍中有貞將或云賢將

凡軍勝氣如堤如坂前後磨地此軍士衆強盛不可擊軍
上氣如火光將軍勇士卒猛好擊戰不可擊軍上氣如山
堤山上若林木將士驍勇軍上氣如埃塵粉沸其色黃白

旌旗無風而颺揮揮指敵此軍必勝敵上有白氣粉泆如
樓繞以赤氣者兵銳營上氣黃白色重厚潤澤者勿與戰
兩敵相當有氣如人持斧向敵戰必大勝兩敵相當上有
氣如蛇舉首向敵者戰勝敵上氣如一匹帛者此雍軍之
氣不可攻望敵上氣如覆舟雲如牽牛有白氣出似旌幟
在軍上有雲如鬮雞赤白相隨在氣中或發黃氣皆將士
精勇不可擊軍營上有赤黃氣上達於天亦不可攻

凡軍營上五色氣上與天連此天應之軍不可擊其氣上
小下大其軍日增益士卒軍上氣如堤以覆其軍上前赤
後白此勝氣若覆吾軍急以擊之大勝天氣銳黃白團團
而潤澤者敵將勇猛且士卒能強戰不可擊雲如日月而
赤氣繞之如日月暈狀有光者所見之地大勝不可攻

凡雲氣有獸居上者勝軍上有氣如塵埃前下後高者將
士精銳敵上氣如乳武豹伏者難攻軍上恒有氣者其軍
難攻軍上雲如雉集蓋者勿性與雲如旌旗如蜂向人者
勿與戰兩軍相當敵上有雲如飛鳥徘徊其上或來而高
者兵精銳不可擊軍上雲如馬頭低尾仰勿與戰軍上雲
如狗形勿與戰望四方有氣如赤鳥在鳥氣中如鳥人在
赤氣中如赤許在鳥氣中如人十五五或如旌旗在鳥
氣中有赤氣在前者敵人精悍不可當敵上有雲如山不

可說有雲如引素如陣前銳或一或四黑色有陰謀赤色
饑青色兵有反黃色急去

凡氣上黃下白名曰善氣所臨之軍欲求和退若氣出北
方求退向北其衆死散向東則不可信終能為害向南將
死敵上氣因廢枯散或如馬肝色如死灰色或類偃蓋或
類偃魚皆為將敗軍上氣下見下不見如霧起此衰氣可
擊上大下小士卒日減

凡軍營上十日無氣發則軍必勝而有赤白氣不出即滅
外聲欲戰其頭欲退散果氣如壞山墮軍上者名曰營頭
之氣其軍必敗軍上氣昏發連夜夜照人則軍士散亂軍

上氣半而絕一敗再絕再敗三絕三敗在東發白氣者災
深軍上氣中有黑雲如牛形或如猪形者此是瓦解之氣
軍必敗敵上氣如粉如塵者敵散如煙或五色雜亂或東
西南北不定者其軍欲敗軍上氣如羣羊羣猪在氣中此
衰氣擊之必勝軍上有赤氣炎降於天則將死士衆亂赤
光從天流下入軍軍亂將死彼軍上有蒼氣須臾散去擊
之必勝在我軍上須臾堅守軍有黑氣如牛形或如馬形
從氣霧中下漸漸入軍名曰天狗下食血則軍破軍上氣
或如羣鳥亂飛或如人相從或紛紛如轉蓬或如揚灰或
雲如卷席如匹布亂穰者皆為敗徵氣下見下沒下聚下

散如霧之始起為敗氣氣如繫牛如人卧如敗車如雙蛇
如飛鳥如決堤垣如壞屋如人相指如人無頭如驚鹿相
逐如兩雞相向皆為敗氣

凡降人氣如人十十五五皆以手低頭又亦如人以手相
向白氣如羣鳥趣入屯營連結百餘里不絕而能徘徊須
臾不見者當有他國來降氣如巢山以黃為緣者欲降服
敵上氣青而高漸黑者將欲死散軍上氣如燔生草之煙
前雖銳後必退黑氣臨營或聚或散如鳥將宿敵人畏我
心意不定終必逃背逼之大勝

凡白氣從城中南北出者不可攻城不可屠城中有黑雲
如星名曰軍精急解圍去有突兵出客敗城上白氣如旌
旗或青雲臨城有喜慶黃雲臨城有大喜慶青色從中南
北出者城不可攻或氣如青色如牛頭觸人者城不可屠
城中氣出東方其色黃此太一城白氣從中出青氣從城
北入及向還者軍不得入攻城圍邑過旬雷雨者為城有
輔疾去之勿攻城上氣如煙火主人欲出戰其氣無極者
不可攻城上氣如雙龍者難攻赤氣如杵形從城中向外
者內兵突出主人戰勝城上有雲分為兩莖狀攻不可得
赤氣在城上黃氣四面繞之城中人將死城降城上赤氣
如飛鳥如敗車及無雲氣士卒必散城營中有赤黑氣如

狸皮斑及赤者並亡城上氣上赤而下白色或城中氣聚如樓出見於外城皆可屠城營上有雲如衆人頭赤色下多死喪流血城上氣如灰城可屠氣出而北城可射其氣出復入城中人欲逃其氣出而覆其軍軍必病氣出而高無所止用日久長有白氣如蛇來指城可急攻白氣從城指營員急固守攻城若雨霧日死風至兵勝日色無光為日死雲氣如雉雉臨城其下必有降者濛氣圍城而入城者外勝得入有雲如立人五枚或如三牛邊城圍

凡軍上有黑氣渾渾圓長赤氣在其中其下必有伏兵白氣粉沸起如樓狀其下必有藏兵萬人皆不可輕擊伏兵

之氣如幢節狀在烏雲中或如赤杵在烏雲中或如烏人在赤雲中

凡暴兵氣白如瓜蔓連結部隊相逐須臾罷而復出至八

九來而不斷心賊卒至宜防固之白氣如仙人衣千萬連

結部隊相逐罷而復與如是八九者當有千里兵來視所

起備之黑雲從敵上來之我軍上欲襲我敵人生發且備

不宜戰壬子日候四望無雲獨見赤雲如旌旗其下有兵

起若徧四方者天下盡有兵若四望無雲獨見黑雲極天

天下兵大起半天半起三日內有雨災解敵欲來者其氣

上有雲下有氣雲中夫而下敵必至雲氣如旌旗賊兵暴

起暴兵氣如人持刀楮雲如人赤色所臨城邑有平兵至
驚怖潰更去赤氣如人持節兵來未息雲如方虹有暴兵
赤雲如火者所向兵至天有白氣狀如匹布經丑未者天
下多兵

凡戰氣青白如膏將勇大戰氣如人無頭如死人卧敵上
氣如丹蛇赤氣隨之必大戰殺將四望無雲見赤氣如狗
入營其下有流血

凡連陰十日晝晝不見日夜不見月亂風四起欲雨而無雨
名曰蒙吉謀君故曰以陰示不兩臣謀主霧氣若晝若夜其
色青黃更相奪冒及合辰散臣謀君逆者喪山中又霧十

日不解者欲崩之候視四方常有天雲五色具者其下有
賢人隱也青雲潤澤蔽日在西北為舉賢良雲氣如亂穰
大風將至視所從來避之雲甚潤而厚大雨必暴至四始
之日有黑雲如陣厚重大者多雨氣若霧非霧衣冠不
兩而濡見則其城帶甲而趨日出沒時有雲橫截之白者
喪鳥者驚三日內雨者各解有黑氣入營者兵相殘有赤
青氣入營者兵弱有雲如蛟龍所見處將軍失魄有雲如
鵠尾來陰國上三日土有雲如日月暈赤色其國凶青白
色有大水有雲狀如龍行國有大水人流土有雲赤黃色
四塞終日竟夜照地者大臣縱恣有雲如氣味而濁賢人

去小人在位

凡白虹者百殃之本衆亂所基霧者衆邪之氣陰來曹陽
凡遇四方盛氣無向之戰甲乙日青氣在東方丙丁日赤
氣在南方庚辛日白氣在西方壬癸日黑氣在北方戊己
日黃氣在中央四季戰當此日氣替之吉日中有黑氣者
有小過而臣不諫又掩君惡而揚君善故日中有黑氣不
明也

凡白虹霧者臣謀君擅權立威晝霧夜明臣志得申夜霧
晝明臣志不申霧終日終時君有憂色黃小雨白言兵喪
青言疾黑有暴水赤有兵喪黃言工功或有大風

凡夜霧白虹見臣有憂晝霧白虹見君有憂虹頭尾至地
流血之象

凡霧氣不順四時逆相交錯微風小雨為陰陽氣亂之象
從寅至辰巳上周而復始為逆者不成精日不解晝夜昏
暗天下欲分離

凡霧四合有虹各見其方隨四時色吉非時色凶氣色青
黃互相掩覆下合不散臣欲謀君為逆者不成自立

凡霧氣四方俱起百步不見人名曰晝昏不有破國必有
滅門

凡天地四方昏濛若下塵十日五日以上或一日或一時

雨不露衣而有土名曰露羅故曰天地露羅君臣乘太旱

九海傍風氣象樓臺廣野氣成宮闕北夷之氣如牛羊羣

畜宮閭南夷之氣類舟船幡旗自華以南氣下黑上赤嵩

高二河之郊氣正赤恒山之北氣青勃碣海岱之間氣皆

正黑江湖之間氣皆白東海氣如圓筵附漢河水氣如引

布江漢氣勁如杼杼清水氣如黑神滑水氣如狼白尾淮南

氣如帛少室氣如白兔青尾恒山氣如黑牛青尾東夷氣

如樹西夷氣如室屋南夷氣如閣臺或類舟船陣雲如立

垣杼軸垂類如掉兩端充灼雲如繩居前且天其半半天

其蟄者類顯施故鈎雲如曲諸此雲見以五色占而澤博

密其見動人及有兵必起合關其直雲氣如三匹帛廣前

兌後大軍行氣也如布趙雲如牛楚雲如日宋雲如

車魯雲如馬衛雲如周雲如車輪秦雲如行人魏雲如

鼠鄭齊雲如絳衣如龍蜀雲如困車氣下高下下往

往而聚騎氣卑而布卒氣搏前卑後高者疾前高而高後

兌而卑者却其氣平者其行徐前高後卑者不止而返校

騎之氣正蒼黑長數百丈遊兵之氣如彗掃一云長數百

丈無根本喜氣上黃下白怒氣上下赤憂氣上下黑土功

氣黃白徙氣白。凡候氣之法氣初出時若雲非雲若霧

非霧髮髯若可見初出森森然在桑榆上高五六尺者是

千五百里外平視則千里舉目望則五百里仰瞻中天則
百里內平望桑榆間二千里登高而望下屬地者二千里
凡欲知我軍氣常以甲巳日及庚子辰戌午未亥日及八
月十八日去軍十里許登高望之可見依別記占之百人
以上皆有氣

凡占災異先推九宮分野六壬日月不應陰霧風雨而陰
霧者乃可占對敵而坐氣來甚卑下其陰覆人上掩溝蓋
道者是大賊必至敵在東日出候在南日中候在西日入
候在北夜半候王相色言囚死色凶

凡軍上氣高勝下厚勝薄實勝虛長勝短澤勝枯我軍在

西賊軍在東氣西厚東薄西長東短西高東下西澤東枯
則知我軍必勝

凡氣初山似甌上氣勃勃上升氣積為霧霧為陰陰氣結
為虹蜺暈珥之屬

凡氣不積不結散漫一方不能為災必須和雜殺氣森森
然疾起乃可論占軍上氣安則軍安氣不安則軍不安氣
南北則軍南北氣東西則軍亦東西氣散則為軍破敗
候氣常以平旦下晡日出沒時處氣以見知大占期內有
大風雨久陰則災不成故風以散之陰以諫之雲以幡之
雨以馱之

五代災變應

梁武帝天監元年八月壬寅熒惑守南斗占曰糴貴五穀不成大旱多火災吳越有憂宰相死是歲大旱米斗五千人多餓死其二年五月尚書范雲卒

二年五月景辰月犯心占曰有亂臣不出三年有二國其四年交州刺史李凱舉兵反七月景子太白犯軒轅大星四年六月壬戌歲星晝見占曰歲色黃潤立竿影見大熟是歲大穰米斛三十又日星與日爭光武且弱文且疆自此後帝崇尚文儒躬自講說終於太清不脩武備

八月庚子老人星見占曰老人星見人主壽昌自此後每至恒以秋分後見於參南至春分而伏武帝壽考之象云七年九月己亥月犯東井占曰有水災其年京師大水十年九月景申天西北隆隆有聲赤氣下至地占曰天狗也所往之鄉有流血其君失地其年十二月馬仙理大敗魏軍斬馘十餘萬剋復朐山城十二月壬戌朔日食在牛四度

十三年二月景午太白失行在天關占曰津梁不通又兵起其年填星守大江占曰有江河塞有決溢有工功其年大發軍衆造浮山堰以竭淮水至十四年填星移去大江而堰壞奔流決溢

十四年十月辛未太白犯南斗

十七年閏八月戊辰月行掩昴

普通元年春正月景子曰有食之占曰日食陰侵陽陽不克陰也爲大水其年七月江淮海溢九月乙亥有星辰見東方光爛如火占曰國皇見有內難有急兵反叛其三年義州刺史文僧朗以州叛

四年十一月癸未朔日有食之太白晝見

六年三月景午歲星入南斗庚申月食五月己酉太白晝見六月癸未太白經天九月壬子太白犯右執法

七年正月癸卯太白歲星在斗相犯占曰其國君凶易政

明年三月改元大赦

大通元年八月甲申月掩填占曰正月癸酉又掩之占曰有

大喪天下無主國易政其後中大通元年九月癸巳上文

幸同泰寺捨身王公以一億萬錢奉贖十月己酉還宮大

赦改元中大通三年太子薨晉天下無主易政及大喪之

應

中大通元年閏月壬戌熒惑犯鬼積尸占曰有大喪有大

兵破軍殺將其二年蕭玩帥衆援巴州爲魏梁州軍所敗

玩被殺

四年七月甲辰星隕如雨占曰星隕陽失其位災害之象

萌也又曰星隕如雨人民叛下有專討又曰大人憂其後
侯景後亂帝以憂崩人衆奔散皆其應也

五年正月己酉長星見

六年四月丁卯熒惑在南斗占曰熒惑出入留舍南斗中
有賊臣謀反天下易政更元其年十二月北齊州刺史蘭
欽舉兵後年改爲大同元年

大同三年三月乙丑歲星掩建星占曰有反臣謀其年春稽
山賊起其七年交州刺史李賁舉兵反

五年十月辛丑彗出南斗長一尺餘東南指漸長三丈餘
十一月乙卯至婁滅占曰天下有謀王者其八年正月

成民劉敬躬挾左道以反黨與數萬其九年
帝於交州

太清二年五月兩月見占曰其國亂必見於立國〇三年
正月壬午熒惑守心占曰王者惡之乙酉太白晝見占曰不
出三年有大喪天下革政更王強國弱小國強三月景子
熒惑又守心占曰大人易政主去其宮又曰人饑亡海內
哭天中大潰是年帝爲侯景所幽崩七月九江大饑人相
食十四年九月戊午月在斗掩歲星占曰天下亡君其後
侯景篡殺

間文帝大寶元年正月景寅月晝光見占曰月晝光有隱

謀國雄逃又二月晝明姦邪並作擅君之朝其後族景纂殺皆國亂主君大喪更政之應也

元帝承聖三年九月甲午月犯心中星占曰有反臣王者惡之有亡國其後三年帝為周軍所俘執陳氏取國梁氏以亡

陳武帝永定三年九月辛卯朔月入南斗占曰月入南斗大人憂一曰太子殃後二年帝崩太子昌在周為質文帝立後昌還國為侯安都遣盜迎殺之

三年五月景辰朔日有食之占曰日食君傷又曰日食帝德消六月庚子填星鉞與太白并占太白與填合為疾為

丙兵

文帝天嘉元年五月辛亥熒惑犯右執法占曰大臣有憂執法者誅後四年司空侯安都賜死

九月癸丑彗星長四尺見芒指西南占曰彗見實則敵國兵起得本者勝其年周將獨孤盛領眾趣巴湘侯瑱龍臺之

二年五月己酉歲星守南斗六月景戌熒惑犯東井七月乙丑熒惑入鬼中戊辰熒惑犯斧質十月熒惑行在太微

右掖門內

三年閏二月己丑熒惑逆行犯上相甲子太白犯五車填

星七月太白犯輿鬼八月癸卯月犯南斗景牛月犯牽牛
庚申太白入太微十一月丁丑月犯畢左股辛巳熒惑犯
歲星戊子月犯角庚寅月入氐

四年六月癸丑太白犯右執法七月戊子熒惑犯填星八
月甲午熒惑犯軒轅大星丁未太白犯房九月戊寅熒惑
入太微犯右執法癸未太白入南斗占曰太白入斗天下
大亂將相謀反國易改又曰君死不祀則廢又曰天下受
爵祿其後安成去為太傅廢少帝而自立改官受爵之禮
也辛卯熒惑犯左執法十一月辛酉熒惑犯右執法甲戌
月犯畢左股

五年正月甲子月犯畢大星奎丁卯月犯星四月庚子太
白歲星合在奎金在南木在北相去二尺許壬寅月入氐
又犯熒惑太白歲星又合在婁相去一尺許癸卯月犯房
上星五月庚午熒惑逆行二十一日犯氐東南西南星占
曰月有賊臣又曰人主無出廊廟間有伏兵又曰君死有
劫後二年少帝廢之應也六月景申月犯亢七月戊寅月
犯畢大星閏十月庚申月犯牽牛丙子文犯左執法十一
月乙未月食畢大星

六年正月己亥太白犯熒惑相去二寸占曰其野有兵喪
改立族王三月丁卯日入後眾星未見有流星白色大如

斗從太微間南行尾長尺餘占曰有兵與喪四月丁巳月犯軒轅占曰女主有憂五月丁亥太白犯軒轅占曰女主失勢又曰四方禍起其後年少帝廢廢後慈訓太后崩六月己未日犯氏辛酉有彗長可丈餘占曰陰謀姦宄起一曰宮中火起後安成王錄尚書都督中外諸軍事廢少帝而自立陰謀之應八月戊辰月掩畢大星景子月與太白並光芒相着在太微西蕃南三尺所九月辛巳熒惑犯左執法癸未太白犯右執法辛卯犯左執法乙巳月犯上相太白犯熒惑其夜月又犯太白占曰其國內外有兵喪改立侯王明年帝崩又少帝廢之應也

七年二月庚午日無光烏見占曰王者惡之其日庚午吳楚之分野四月甲子日有交暈白虹貫之是月癸酉帝崩廢帝天康元年五月庚辰月犯軒轅女御大星占曰女主憂後年慈訓太后崩癸未月犯左執法

光大元年正月甲寅月犯軒轅大星占曰女主當之八月戊寅月食哭星占曰有喪泣事明年太后崩臨海王薨哭泣之應也壬午鎮星辰星合於軫九月戊午辰星太白相犯占曰改立侯王己未月犯歲星占曰國亡君十二月辛巳月又犯歲星辛卯月已建星占曰大人惡之
二年正月戊申月掩歲星占曰國亡君五月乙未月犯太

白六月景寅太白犯右執法壬子客星見氐東八月庚寅月犯太微九月庚戌太白逆行與鎮星合在角占曰為白衣之會又曰所合之國為亡地為疾兵戊午太白晝見占曰太白晝見國更政易王十一月景午歲星守右執法甲申月犯太微東南星戊子太白入氐十二月甲寅慈訓太后廢帝為臨海王大建二年四月彗見其應也

宣帝大建七年四月景戌有星孛于大角占曰人主亡五月庚辰熒惑犯右執法壬子又犯右執法

十年二月癸亥日上有背占曰其野失地有叛兵甲子吳明徹軍敗於呂梁將卒並為周軍所虜來年淮南之地盡沒于周十月癸卯月食熒惑占曰國敗君亡大兵起破軍殺將來年三月吳明徹敗於呂梁十三年帝崩敗國亡君之應也

十一年四月己丑歲星太白辰星合于東井

十二年二月壬寅白虹見西方占曰有喪其後十三年帝崩十月戊午月犯牽牛吳越之野占曰其國亡君有憂後年帝崩辛酉歲星犯執法十二月癸酉辰星在太白上甲戌辰星太白交相掩占曰大兵在野大戰辛巳彗星見西南占曰有兵喪明年帝崩始興王叔陵作亂

後主至德元年正月壬戌蓬星見占曰必有亡國亂臣後

帝於太皇寺捨身作奴以祈冥助不恤國政爲施文慶等所惑以至國亡

魏普泰元年十月歲星熒惑填星太白聚於觜參色甚明六占曰當有王者興其月齊高祖起於信都至中興二年春而破爾朱兆遂開霸業

魏武定四年九月丁未高祖圍玉壁城有星墜於營衆驢皆鳴占曰破軍殺將高祖不豫五年正月景午崩

齊文宣帝天保元年十二月甲申熒惑犯房北頭第一星及鉤鈴占曰大臣有反者其二年二月壬申太尉彭樂謀反誅

八年二月己亥歲星守少微經六十三日占曰五宮亂五月癸卯歲星犯太微上將占曰大將憂大臣死其十年五月誅諸元宗室四十餘家乾明元年誅楊遵彥等皆五宮亂大將憂大目死之應也

八年七月甲辰月掩心星占曰人主惡之十年十月帝崩九年二月熒惑犯鬼質占曰於質用有大喪三月甲午熒惑犯軒轅占曰女主惡之其十年五月誅魏氏宗室十月帝崩於質用有大喪之應也

十年六月庚子填星犯井鉞與太白并占曰子爲玄楊齊之分野君有戮死者大臣誅於鉞用其明年二月乙巳太

師常山王誅尚書令楊遵彦右僕射燕子獻領軍可朱渾
天和侍中宋欽道等八月壬午廢少帝為濟南王。廢帝
乾明元年二月甲午熒惑入軒轅占曰女主凶後太寧二年四
月太后崩

肅宗皇建二年四月景子日有食之子為玄枵齊之分野
七月乙丑熒惑入鬼中戊辰犯鬼質占曰有大喪十一月
帝以暴疾崩

武成帝河清元年七月乙亥太白犯輿鬼占曰有兵謀誅
大臣谷質用其年十月壬申冀州刺史平秦王高歸彥反
段孝先討禽斬之於都市又其二年殺大原王紹德皆齊
質用之應也八月甲寅月掩畢占曰其國君死大目有誅
者有邊兵大戰破軍殺將其十月平秦王歸彥以及誅其
三年周師與突厥入并州大戰城西伏屍流血百餘里皆
其應也

四年正月己亥太白犯熒惑相去二寸在奎甲辰太白熒
惑歲星合在婁占曰甲為齊三星若合是謂鸞立絕行其
分有兵喪改立侯王國易政三月戊子彗星見占曰除舊
布新有易王至四月傳位於太子改元

後主天統元年六月壬戌彗星見於文昌長數寸入文昌
犯上將然後經紫微宮西垣入危漸長一丈餘指室壁後

百餘日在虛危滅占曰有大喪有亡國易政其四年十二月太上皇崩

三年五月戊寅甲夜西北有赤氣竟天夜中始滅十月景午天西北頻有赤氣占曰有大兵大戰後周武帝抱衆來伐大戰有大兵之應也

四年六月彗星見東井占曰大亂國易政七月寧皇見房心白如粉絮大如斗東行八月入天市漸長四丈犯瓠瓜歷虛危入室犯離宮九月入奎至婁而滅寧者寧亂之氣也占曰兵喪並起國大亂易政大臣誅其後太上皇崩至武平二年七月領軍庫狄伏連治書侍御史王子宜受琅

邪王儼首矯詔誅錄尚書淮南王和士開於南臺伏連等即日伏誅右僕射馮子琮賜死此國亂之應也

五年二月戊辰歲星逆行掩太微上將占曰天下大驚四輔有誅者五月甲午熒惑犯鬼積尸甲齊也占曰大臣誅兵大起斧質用有大喪至武平二年九月誅琅邪王儼三年五月誅右丞相咸陽王斛律明月四年七月誅蘭陵王長恭皆懿親名將也四年十月又誅崔季舒等此斧質用之應也

武平三年八月癸未填星歲星太白合於氐宋之分野占曰其國內外有兵喪改立侯王其四年十月陳將吳明徹

寇彭城右僕射崔季舒國子祭酒張雕黃門裴澤郭遵尚書左丞封孝琰等諫車駕不宜北幸并州帝怒並誅之內外兵喪之應也九月庚申月在婁食既至旦不復占曰女主凶其三年八月廢斛律皇后立穆后四年又廢胡后為庶人十一月乙亥天狗下西北占曰其下有大戰流血後周武帝攻晉州進兵平并州大戰流血

三年十二月辛丑日食歲星占曰有亡國至七年而齊亡四年五月癸巳災惑犯右執法占曰大將死執法者誅若有罪其年誅右丞相斛律明月明年誅蘭陵王長恭後年誅右僕射崔季舒皆大將死執法誅之應也

周閔帝元年五月癸卯太白行軒轅占曰太白行軒轅中大臣出令又曰皇后失勢辛亥災惑犯東井北端第二星占曰其國亂又曰大旱其年九月冢宰護逼帝遜位幽於舊邸月餘殺崩司會李植軍司馬孫恒及官伯乙弗鳳等被誅害其冬大旱皆大臣出令大臣死旱之應也

明帝二年二月甲午災惑入軒轅占曰王者惡之女主凶其月王后獨孤氏崩六月庚子填星犯井鉞與太白并占曰傷成於鉞君有戮死者其年太師宇文護進食帝遇毒崩

武帝保定元年九月乙巳客星見於翼十月甲戌日有食

之戊寅熒惑犯太微上將合為一

二年閏正月癸巳太白入昴二月壬寅熒惑犯太微上相
三月壬午熒惑犯左執法七月乙亥太白犯輿鬼九月戊
辰日有食之既十一月壬午熒惑犯歲星於危南

三年三月乙丑朔日有食之九月甲子熒惑犯太微上將
占曰上將誅死十月壬辰熒惑犯左執法

四年二月庚寅朔日有食之甲午熒惑犯房右驂三月己
未熒惑犯房右驂占曰上相誅車馳人走天下兵起其
年十月冢宰晉公護率軍伐齊十二月柱國庸公全雄力
戰死之遂班師兵起將死之應也八月丁亥朔日有蝕之

五年正月辛卯白虹貫日占曰為兵喪甲辰太白熒惑歲
星合於婁六月庚申彗星出三台入文昌犯上將後經紫
宮西垣入危漸長一丈餘指室壁後百餘日稍短長二尺
五寸在虛危滅齊之分野七月辛巳朔日有食之

天和元年正月己卯日有食之十月乙卯太白晝見經天
二年正月癸酉朔日有食之五月己丑歲星與熒惑合在
井宿相去五尺井為秦分占曰其國有兵為飢旱大臣匿
跡下有反者若亡地閏六月丁酉歲星太白合在柳相去
一尺七寸柳為周分占曰為內兵又曰主人凶憂失城是
歲陳湘州刺史華皎率眾來附遣衛公直將兵援之因而

南伐九月衛公直與陳將淳于量戰于沌口王師失利元
定韋世冲以步騎數千先度遂沒陳七月庚戌太白犯軒
轅大星相去七寸占曰女主失勢大臣當之又曰西方禍
起其十一月癸丑太保許公宇文貴薨大臣當之驗也十
月辛卯有黑氣一大如杯在日中甲午又加一經六日乃
滅占曰臣有蔽主之明者十一月戊戌朔日有食之庚子
熒惑犯鉤鈐去之六寸占曰王者有憂又巨車騎驚三公
謀

三年二月己未太白犯井北轅第一星占曰將軍惡之其
七月壬寅隋公楊忠薨四月辛巳太白入輿鬼犯積尸占
曰大臣誅又曰亂臣在內有屠城六月甲戌彗見東井長
一丈上白下赤而允漸東行至七月癸卯在鬼北八寸所
乃滅占曰為兵國政崩壞又曰將軍死大臣誅七月己未
客星見房心白如粉絮大如斗漸大東行八月入天南長
如匹所復東行犯河鼓右將癸未犯瓠瓜又入室犯離宮
九月壬寅入奎稍小壬戌至婁北一尺所滅凡六十九日
占曰兵起若有喪白衣會為饑旱國易政又曰兵犯外城
大臣誅

四年二月戊辰歲星逆行掩太微上將占曰天下大驚國
不安四輔有誅必有兵革天下大赦庚午有流星大如斗

出左攝提流至天津滅有聲如雷五月癸巳熒惑犯輿鬼
甲午犯積尸占曰午秦也大臣有誅兵大起後三年太師
大冢宰晉國公宇文護以不臣誅皆其應也

五年正月乙巳月在氐暈有白虹長丈所貫之而有兩珥
連接規北斗第四星占曰兵大起大戰將軍死於野是冬
齊將斛律明月寇邊於汾北築城自華谷至於龍門其明
年正月詔齊公憲率師禦之三月己酉憲自龍門度河攻
拔其新築五城兵起大戰之應也

六年二月己丑夜有蒼雲廣三丈經天自戌加辰四月戊
寅朔日有蝕之己卯熒惑逆行犯輿鬼占曰有兵喪大臣
誅兵大起其月又辛酉師取齊宜陽等九城六月齊將攻隋
汾州六月庚辰熒惑太白合在張宿相去一尺占曰主人
兵不勝所合國有殃

建德元年三月景辰熒惑太白合壁占曰其分有兵喪不
可舉事用兵必受其殃又曰改立侯王有德者興無德者
亡其月誅晉公護護子譚公會莒公至崇業公靜等大赦
癸亥詔以齊公憲為大冢宰是其驗也七月景午辰與太
白合於井相去七寸占曰其下之國必有重德致天下後
四年上帥師平齊致天下之應也九月己酉月犯心中星
相去一寸占曰亂臣在傍不出五年下有亡國後周武伐

齊平之有亡國之應也

二年二月辛亥白虹貫日占曰臣謀君不出三年又曰近臣為亂後年七月衛王直在京師舉兵反癸亥熒惑掩鬼西北星占曰大賊在大人之側又曰大臣有誅四月己亥太白掩西北星壬寅又掩東北星占曰國有憂天臣誅六月景辰月犯心中後二星占曰亂臣在傍不出三年有亡國又曰人主惡之九月癸酉太白犯左執法占曰大臣有憂執法者誅若有罪十一月壬子太白掩填星在尾占曰填星為女主尾為後宮明年皇太后崩

三年二月戊午客星大如桃青白色出五車東南三尺所漸東行稍長二尺所至四月壬辰入文昌丁未入北斗魁中後出魁漸小凡見九十三日占曰天下兵起車騎滿野人主有憂又曰天下有亂兵大起臣謀主其七月乙酉衛王直在京師舉兵反討擒之廢為庶人至十月始州民王鞅擁眾反討平之四月乙卯星孛於紫宮垣外大如拳赤白指五帝座漸東南行稍長一丈五尺五月甲子至上台北滅占曰天下易政無德者亡後二年武帝率六軍滅齊十一月景子歲星與太白相犯光芒相及在危占曰其野兵人主凶失其城邑危齊之分野後二年宇文神舉攻拔陸渾等五城十二月庚寅月犯歲星在危相去二寸占曰

其邦流亡不出三年辛卯月行在營室食太白占曰其國以兵亡將軍戰死營室衛也地在齊境後齊亡入

周

四年三月甲子月犯軒轅大星占曰女主有憂又五官有

亂

五年十月庚戌熒惑犯太微西蕃上將星占曰天下不安上將誅若有罪其上

六年二月皇太子巡撫西二仍討吐谷渾八月至伏侯城而旋吐谷渾寇邊天下不安之應也六月庚午熒惑入鬼占曰有喪旱其七月京師旱十一月戊午歲星犯大陵又已

未庚申月連彙規昂畢五車及參占曰兵起爭地又曰王自將兵又曰天下大赦癸亥帝率眾攻晉州是日虹見晉州城上首向南尾入紫宮長十餘丈庚午克之丁卯夜白虹見長十餘丈頭在南尾入紫宮中占曰其下兵戰流血又曰若無兵必有喪至六年正月平齊與齊軍大戰十一月稽胡反齊王討平之

六年四月先此熒惑入太微宮二百日犯東蕃上相西蕃上將句已往還至此月甲子出端門占曰為大臣伐主又曰臣奪臣有反者又曰必有大喪後宜武繼崩高祖以大運代起十月癸卯月食熒惑在斗占曰國敗其君亡兵大

起破軍殺將士為吳越之星陳之分野十一月陳將吳明
徹侵呂梁徐州總管梁士彥出軍與戰不利明年三月郟
公至執討擒陳將吳明徹俘斬三萬餘人十一月甲辰晡
時日中有黑子大如杯占曰君有過而臣不諫人主惡之
十二月癸丑流星大如月西流有聲蛇行屈曲光照地占
曰與大起下有戰場戊辰平旦有流星大如三斗器色赤
出雲宮熒著天乃北下占曰人主去其宮殿是月營州刺
史高寶蓋據州反其明年五月帝擣戎北伐後年武帝崩
宣政元年正月景子月食昴占曰有白衣之會又曰匈奴
侵邊其背突厥寇幽州殺略吏人五月帝擣戎北伐六月
帝疾甚還京於雲陽而崩六月壬午癸丑木火金三星合
在井占曰其國霸又曰其國外內有兵喪改立侯王是月
幽州人盧昌期據范陽反改立王侯兵喪之驗也七月辛
丑月犯心前星占曰太子惡之若失位後靜帝立為天子
不終之徵也言辰熒惑太白合在七星相去二尺八寸所
占曰君憂又曰其國有兵改立王侯有德興無德亡後年
改置四輔官傳位太子改立王侯之應也已未太白犯軒
轅大星占曰女主凶後二年宣帝崩楊后令其父隋公為
大丞相摠軍國事隋氏受命廢后為樂平公主餘四后悉
廢為比丘尼八月庚辰太白入太微占曰為天下驚又曰

近臣起兵大臣相殺國有憂其後趙陳等五王為執政所
誅大臣相殺之應也九月丁酉熒惑入太微西掖門庚申
犯左執法相去三寸占曰天下不安大臣有憂又曰執法
者誅若有罪是月汾州稽胡反討乎之十一月突厥寇邊
圍酒泉殺略吏人明年二月殺柱國郟公全軌皆其應也
十二月癸未熒惑入氏守犯之三十日占曰天子失其宮
又曰賊臣在內下有反者又曰國君有擊饑死若毒死者
靜帝禪位隋高祖幽殺之

宣帝大成元年正月景牛癸丑日皆有背占曰臣為逆有
反叛邊將去之又曰卿大夫欲為主其後隋公作霸尉迥
王謙司馬消難各舉兵反

大象元年四月戊子太白歲星辰星合在井占曰是謂驚
立是謂絕行其國內外有兵喪改立王公又曰其國可霸
修德者強無德受殃其五月趙陳越代勝五王並入國後
二年隋王受命宇文氏宗族相繼誅滅六月丁卯有流星
一大如雞子出民中西北流有尾迹長一丈所入月中即
滅占曰不出三年人主有憂又曰有亡國靜帝幽閉之應
也已丑有流星一大如斗色青有光明照地出營室抵壁
入濁七月壬辰熒惑掩房北頭第一星占曰亡君之誠又
曰將軍為亂王者惡之大臣有反者天子憂其十二月帝

君其月巳酉帝崩劉昫矯制以隋公受遺詔輔政終受天命立王徙王失君之應也七月壬午歲星太白合於張有流星大如斗出五車東北流光明燭地九月甲申熒惑歲星合于翼

靜帝大定元年正月乙酉歲星逆行守右執法熒惑掩房北第一星占曰房為明堂布政之宮無德者失之二月甲子隋王稱尊號

高祖文皇帝開皇元年三月甲申太白晝見占曰太白經天晝見為臣強為革政四月壬午歲星晝見占曰大臣強有逆謀王者不安其後劉昫等謀反伏誅十一月巳巳有

流星聲如墮牆光燭地占曰流星有光有聲占曰天保所墜國安有喜其九年平陳天下一統五年八月戊申有流星數百四散而下占曰小星四面流行者庶人流移之象也其九年平陳江南去人悉播遷入京師

八年二月庚子填星入東井占曰填星所居有德利以稱兵其年大舉伐陳克之十月甲子有星孛于牽牛占曰臣殺君天下合謀又曰內不有大亂則外有大兵牛吳越之星陳之分野後年陳氏滅

九年正月巳巳白虹夾日占曰白虹銜日臣有背主又曰人主無德者土是月滅陳

十四年十一月癸未有彗星孛于虛危及奎婁齊魯之分
野其後魯公虞慶則伏法齊公高頴除名

十九年十月乙未彗孛於渤海占曰陽失其位災星之
萌也又曰太人憂

二十年十月太白晝見占曰大臣強為革政為易主君僕
射楊素熒惑高祖及獻后勸廢嫡立庶其月乙丑廢皇太

子勇為庶人明年改元皆陽失位及革政易王之驗也
仁壽四年六月庚午有星入于月中占曰有大喪有大兵

有亡國有破軍殺將其月乙未日青無光八日乃復占曰
主執力奪又曰日無光有死王甲辰上疾甚于未宮重憂為

漢王諒反楊素討平之皆兵喪亡國死王之應

煬帝大業元年六月甲子熒惑入太微占曰熒惑為財
為亂入官宮中不安

三年三月辛亥長星見西方竟天干歷奎婁角亢而沒至
九月辛未轉見南方亦竟天又于角亢頻掃太微帝座于

犯列宿唯不及參井經歲乃滅占曰去穢布新天所以去
無道建有德見久者災深星大者事大行遲者期遠兵大

起國大亂而亡餘殃為水旱饑饉土功疾疫其後築長城
討吐谷渾及高麗兵戎歲駕略無寧息水旱饑饉疾疫土

功相仍而有羣盜並起邑落空虛九年五月禮部尚書楊

Handwritten marginal notes in the top left section, including characters like '王', '軍', and '人'.

Handwritten marginal notes in the top right section, including characters like '王', '軍', and '人'.

玄感於黎陽舉兵反丁未熒惑逆行入南斗色赤如血如
三斗器尤芒震耀長七八尺於斗中句已而行口有反
臣道路不通國大亂兵大起斗吳越分野玄感父封於越
後徙封楚地又次之天意若曰使熒惑句已之除其分野
至七月宇文述討平之其兄弟悉梟首車裂斬其黨與數
萬人其年朱燮曾崇亦於吳郡擁眾反此後羣盜屯聚剽
略郡縣屍積草野道路不通齊詔勅使人皆苦涉夜行不
敢導路

十一年六月有星孛于文昌東南長五六寸色黑而銳夜
動搖西地行數日至文昌去宮四五寸不入却行而滅

曰為急兵其八月突厥圍帝於鴈門從兵采馮城禦寇夫
及帝前七月熒惑守羽林占曰衛兵反十二月戊寅大流
星如斛隊賊盧明月營破其衝朝壓殺十餘人占曰奔星
所墜破軍設將其年王充擊盧明月城破之

十二年五月景戌朔日有食之既占曰日食既人主亡陰
侵陽下伐上其後宇文化及等行殺逆癸巳大流星墮于
吳郡為石占曰有亡國有死王有大戰破軍殺將其後大
軍破逆賊劉元進于吳郡斬之八月壬子有大流星如斗
出王良閣道聲如隕墻癸丑大流星如彗出羽林九月戊
午有枉夫二出北斗魁委曲蛇形注於南斗占曰主以兵

軍人
公美善起勤軍

軍人
軍人二十三

軍人
軍人二十三
軍人二十三

軍人
軍人二十三
軍人二十三

軍人
軍人二十三
軍人二十三

去天之所代亦曰以亂代亂執夫者不正後二年化及殺
帝儲號王充亦於東都殺恭帝篡號鄭皆殺逆無道以亂
代亂之應也

十三年五月辛亥大流星如墜墜於江都占曰其下有天

兵戰流血破軍殺將六月有星孛于太微五帝座色黃赤

長三四尺所數日而滅占曰有七國有殺君明年三月

文化及等殺帝也十一月辛酉熒惑犯太微日光四變

流血占曰賊又害主以急兵殺之又曰臣逆君明年二月

化及等殺帝諸王及幸臣並被戮

志第十七卷 隋書二十一



